

## MR670B - Primeira forestación de terras non agrícolas.

### As axudas obxecto de subvención son as seguintes:

- a) Axudas para a creación de superficies forestais con especies do anexo VIII desta orde (coníferas).
- b) Axudas para a creación de superficies forestais con especies do anexo IX desta orde (frondosas).

### Tipos de superficies obxecto de axuda .

Poderán ser obxecto de axuda as actuacións naqueles terreos que estean identificados no Sistema de identificación xeográfica de parcelas agrícolas (Sixpac) como forestal (FO), pasto con arboredo (PA), ou pasto arbustivo (PR).

A superficie de actuación será a suma da superficie de forestación máis a superficie da área de defensa.

Non se concederá axuda sobre superficies situadas en Rede Natura 2000 con hábitats definidos como prioritarios pola Directiva 92/43/CEE.

A cualificación urbanística das parcelas que se vaian forestar debe admitir as actuacións polas que se solicita axuda.

Os terreos obxecto de solicitude de axuda, no momento da solicitude de axuda, deberán ter instrumento de ordenación ou xestión forestal inscrito no Rexistro de Montes Ordenados e as accións solicitadas deben estar previstas nel, ou adhesión aos modelos silvícolas da totalidade do monte, consonte o establecido no Decreto 52/2014, do 16 de abril, polo que se regulan as instrucións xerais de ordenación e de xestión de montes de Galicia, e a Orde do 19 de maio de 2014 pola que se establecen os modelos silvícolas ou de xestión forestal orientativos e referentes de boas prácticas forestais para os distritos forestais de Galicia (procedemento MR627D), e as actuacións solicitadas deberán ser coherentes co dito modelo.

**EXCLUIDOS os terreos en que existise arboredo nos últimos cinco anos,** ou que teñan fracción de cabida cuberta igual ou superior ao 20 %. **Excepto nos seguintes casos:** Superficies ocupadas por **eucalipto** (*Eucalyptus sp.*) e Superficies ocupadas por acacia negra (*Acacia melanoxylon*), **mimosa** (*Acacia dealbata*) e/ou falsa acacia (*Robinia pseudoacacia*), que si que poderán ser obxecto de axudas.

### BENEFICIARIOS/AS.

Das axudas previstas nesta orde serán persoas beneficiarias as sociedades de fomento forestal (**Sofor**), os **propietarios particulares de forma individual**, as **asociacións** e agrupacións de propietarios particulares formalmente constituídas e inscritas no Rexistro de Asociacións da Xunta de Galicia, as cooperativas agrarias, os pro-indivisos legalmente constituídos, os montes de varas, abertais, de voces, de vocerío e fabeo, as comunidades de bens, outras persoas xurídicas e as comunidades de montes veciñais en man común (en diante, **CMVMC**)

### Obrigas dos beneficiarios/as.

## MR670B - Primeira forestación de terras non agrícolas.

O beneficiario da axuda e o solicitante está obrigado a facilitar toda a información que lle sexa requirida polos órganos oficiais e a levar un sistema de contabilidade separado, relativo as axudas solicitadas ao abeiro desta orde, onde se constatará o investimento efectivamente pagado antes do remate do prazo de execución.

No caso de achado casual de obxectos e restos materiais que posúan valores que son propios do patrimonio cultural galego, o descubridor deberá comunicarllo inmediatamente á consellería competente en materia de cultura, de conformidade coa Lei 5/2016, do 4 de maio, pola que se regula o patrimonio cultural de Galicia.

As actuacións na zona lateral de protección do Camiño de Santiago serán comunicadas polo solicitante á consellería competente en materia de cultura, co obxecto de contar coa súa autorización previa, de conformidade coa Lei 5/2016, do 4 de maio, do patrimonio cultural de Galicia.

**Durante cinco anos**, contados a partir do ano seguinte ao da comunicación do remate dos traballos, realizarase obrigatoriamente, como mínimo, o control da vexetación de competencia e a reposición de faltas e, no caso de que o estado da forestación o requira: **a)** Podas de formación e de calidade. **b)** Fertilización cando o estado da planta o demande. **c)** Mantemento das infraestruturas da forestación.

**Prazo de solicitude de axuda: Ata 11/03/2021.**

**Praso de execución dos traballos e de xustificación: 15/03/2022,** para propietarios particulares de xeito individual, Sofor, sociedades e agrupacións de propietarios particulares, cooperativas agrícolas, proindivisos, comunidades de bens e outras persoas xurídicas (S.A., S.L. ...) e o **15 de abril de 2022** para CMVMC.

**Intensidade da axuda, será do 100 %**

**Actuacións obxecto de axuda e importes máximos subvencionables**

a) Gastos de plantación forestal e de área de defensa contra incendios forestais:

Máximo por HA **será de 1.853 euros (coníferas)**, e de **2.398 euros (frondosas)**.

b) As infraestruturas de acompañamento, obras complementarias e cartel das novas

**CARTEL : máximo 255 euros. PECHE PERIMETRAL: 7.580 €/KM e 2956,07 €/km de pista forestal. ARRANXO DE PISTAS: 720 €/Ha.**

c) Tamén se subvencionarán os honorarios de redacción de proxecto.

[Orde do DOG nº 18 do 2021/1/28 - Xunta de Galicia](#)

[MR670B - Primeira forestación de terras non agrícolas. - Sede Electrónica - Xunta de Galicia](#)